

DISCOVRS ET

PROGNOSTICATION

pour l'an 1606. suyuant les tres-grandes & espouuantables Eclipses du Soleil & de la Lune de l'an precedent, dont les effects viennent en la presente annee.

Et de tres-amples PrediCTIONS sur les mois pour toute ceste annee, faites en Latin par le tres-excellent Mathematicien JEAN QVERBERVS, Alleman, Medecin de l'Empereur, & reduit aux Meridians de la France, & en langue Françoise.

Auec l'Almanach & Calendrier.



A PARIS,

POUR CATHERINE NYVERD, veufue de
Claude de Montr'œil, Libraire, tenant sa
boutique en la court du Palais, au
nom de I E S V S.

Auec Privilège du Roy.

2
M. QVERBERVS AV LE-
CTEUR, SALVT.



*Auois deliberé ne dire plus mot,
cōme inutile, & mal consideré par
les bromillons, lors que l'Imprimeur
m'a sommé de la promesse faite au
discours de l'an passé; Mais parce que Leouice
mon precepteur y auoit mis l'og tēps y a la main,
tu n'y trouueras grand cas du mien: & ce peu se-
conde tousiours Ciprian. Vne seule chose te diray,
q̄ Leouice escrit à toute l'Europe, & partie d'au-
tres cōtrées suiectes au premier quadrāgle. Mon
desir seroit que mes aduertissemēt̄s sermissēt aux
seditieux & mutins, estant desplaisant d'estre
en ce suieēt la tenu trop veritable, & ne pou-
uant rien plus que prier Dieu pour eux, bon iour.*

De Francfort le 30. de Septembre.

IEAN QVERBERVS.

DISCOVRS ET IVGE-

MENT SVR L'AN DE GRACE

1606. fuyant les Eclipses de l'an precedent du Soleil & de la Lune, dont les effects viennent en ceste année, avec autres constellations pour ledict an.

Faiet en latin, par Jean Querberus, & reluites au meridian de la France.



Es Philosophes anciens premiers observateurs des mouvemens & des effects des astres, voyant que par longues observations s'estoit desia verifié que les planettes (au moins les plus hautes) apres la conioction du Soleil, auoyēt leur mouvement plus prompt, & que s'en esloignant ils commençoient peu a peu diminuer ceste vitesse, tant qu'ils en deuenoyent comme immobiles, & apres retrogrades: & qu'apres estant fort pres de l'oppositiō du Soleil, ils esto yēt à la moytié de ceste retraicte appelée retrogradation: apres que leurs esprits esleués eurent de ce diuers mouvemens en apparence, mais egaux en effect, attribuerēt l'occasion aux epicycles & cercles qui tournēt avec autre centre que de la terre: iugerent aussi que la principale cau-

se de ce contraire mouuement estoit annexée, & liée au soleil, lequel (cōme distributeur de la lumiere aux autres estoilles, & comme cause de leurs passiõs,) appellerēt principal auteur non seulement de la vie & de tout ce qu'on iouit icy bas, mais des origines, augmentations & accidens des monarchies, empires & autres souueraines administrations de la chose publique, des changements des loix, & de sectes tant en faueur des particuliers, que du public; & penserent que par les seules Eclipses on pouuoit coniecturer tous accidens vniuersels suiuant les signes & quadrangles où l'Eclipse se feroit. Mais quād ils virent apres par reiterées obseruations que chaque dixneufans fort souuent, ou chaque vingthuict, vne mesme Eclipse reuenoit au mesme signe ou à l'opposite, & par consequent au mesme quadrangle, bien que quelquesfois sous nostre horison, confesserent estre chose nō seulement contraire à la raison, & à l'expériēce, mais absurde & ridicule, de croire qu'aux provinces suiuetes à vn mesme quadragle & signe où l'Eclipse se faisoit, dās si peu de tēps deussent retourner les mesmes ou semblables mutations, changemēts & accidēts bons ou mauuais, & que par consequent on eut deu voir dās vn brief circuit d'années les mesmes choses tournoyer tout le mōde cōprins sous les trois quadrangles: & q̃ les provinces subiectes au Mouton & à la Libre, où se font quasi tousiours les plus grandes Eclipses du Soleil, ou au moins le premier quadrangle, deussent plus que nul autre participer du pe-

riode, & apres du retour de leurs affaires. Et d'un commun consentement, comme dit Ptolomée, confesserent, que non les Eclipses seules, mais toute autre passion de corps celeste estoit considerable pour le iugement des choses vniuerselles & particulieres: mesmes qu'il y auoit autres causes primes aux mouuemēts des cieux, & plus grandes, plus puissantes, & plus generalles que les Eclipses, lesquelles agissoyent en ce bas mode, cōme principales ministres de la volonté de Dieu, & avec grand raison: car qui iugera que l'auoit trouuē en ce siecle civilizé & instruiēt vn autre mode (pour vser du mot vulgaire) viēne par vne Eclipse, par deux ou trois? mais si biē, de l'armonie vniuerselle du Ciel, cōme ils disent, assauoir des Eclipses considerées avec la conionction des deux testes du Mouton, la cause du mouuement desquels a esté si long temps incogneue, & le mouuement de la latitude du Soleil, ayant par nos modernes esté obseruē que cela a beaucoup apporté de nouveauté pour les loys & empires.

Les grandes conionctions de Saturne & de Iupiter, tāt celles qui succedent chascque vingt ans que les plus rares, ou du retour au Mouton, eu esgard au changement des triangles, ou des changemēts de triāgles, & de toute autre conioction de planetes entr'eux, ou avec le soleil: & adioustē Ptolomēus que le Soleil & la Lune, & leurs passions augmentent ou diminuent la force des autres estoilles tant fixes que vagabondes, & que il ne falloist s'arrester aux iugemens vulgaires,

faictz par des charlatans sur les Eclipses seules, nuement ou malicieusement, mais à ceux qui se font avec cōsideration meure de toutes les precedentes & voisines grandes conionctions, cometes & autres aspects. Ce que j'ay bien voulu coter icy, afin que le curieux lecteur puisse iuger que ce n'est pas moy qui reiete les vulgaires, & avec quels fondemēts les effects des Eclipses de l'an passé à sçauoir de la Lunaire du vingtseptiesme de Septembre dernier dont les effects commencent en Aoust prochain, & celle du Soleil du douziesme d'Octobre dernier, dont les effects cōmencent en Iuin prochain sont iugées par Cyprian Leouice, mō precepteur, que ie reciteray de mot en mot, ne voulant adiouster rien du mien au iugement d'un si grand personnage qui escriuoit au tres-illustre Oton Héry Palatin du Rhein, electeur du sacré Empire, & Duc de la haute & basse Bauiere, en ces termes,

Mon indisposition & l'occupation grāde à laquelle me tiennent ordinairement pour acheuer mes Ephemerides, m'ont empesché de continuer les iugements des Eclipses, mais par ce que l'an mil six cens cinq du moys d'Octobre, le second iour (il entend à l'ancien calcul non encore reformé en ce temps qu'il escriuoit) vient vne Eclipse de Soleil, aussi grande, aussi terrible, que despuis l'an 1540. n'auons eu, ny aurons de long temps vne telle, qui douera occasion aux vulgaires qui ne s'arrestent qu'à l'obscurité & au quadrangle de iuger mille folies, entieremēt esloignées de la verité: j'ay pensé mon deuoir

7
d'en dire à vous (mon bõ Mécenas) ce que par la
longue experience, & par la cõformité des opi-
nions des Astrologues i'en puis sommairement
inger, croire & declarer. Je ne nye pas que ceste
Eclipse sera terrible & grande, mais en plusieurs
endroitz elle vient en l'huictiesme maison du
Ciel, & es lieux plus occidentaux en la neufies-
me, & que Venus en a la principale dominatiõ,
Saturne apres. Mais (Prince tres-illustre) il faut
avec ceste Eclypse considerer la grande conion-
ction qui suiura en Decẽbre de l'an mil six cens
trois, le quatorziesme iour (il entend de la vieille
calculation non reformée) laquelle estant domi-
née de Iupiter, & du Soleil, signifiera vne reünio
de subiects avec leurs Princes, vn repos & desir
de Paix entre tous les Monarques, sinon de
quelque petit coin du Nord-Est, qui ne feront
guerres à leur ayse, qu'ils ne se remettent sous
l'antienne & douce domination de leur Prince
naturel: l'humeur, la langue duquel, la liberté,
& la douceur de la vie en estant entierement
differẽts à celle en tout estrangere dont ils serõ
affligés, comme pourrez voir par la suite de
mes predictions, ce qui ne sera nullement diffi-
cile à faire, si les Monarques se resoluent à reü-
nir leurs vieux amis, non mescontenter les nou-
ueaux, & à suiure l'heur à quoy le ciel les ap-
pelle. Ceste Eclipse donc, si elle doit apporter
quelque chose de lenestre pour aucuns en faict
de guerre, fera le changement dont ie parle: & ie
conseille tous Princes & Monarques principal-
lement ceux qui sont subiects & compris sous

le premier quadrangle, de clore les aureilles à quelques hippocrates signifiés par l'estoille d'Arture, voisine au lieu de l'Eclipse, lesquels soub pretexte de bonté n'ont autre obiect que de ruiner tout ce qu'ils peuvent de grand pour bastir vn seul edifice desia trop esleué, ce qu'ils ne pourront faire, (Prince tres-generoux). Au contraire par les observations dont Copernicus Mathematicien tres-clair, parle, du mouuement du centre de l'eccētric du soleil, par lequel nõ seulement les Equinoxes, mais les Apogées du Soleil & autres planettes, se postposēt par le moyē d'un petit cercle: lesquelles obseruatiōs cōcluent estre tres-veritable que toutes fois que le centre de l'eccentric a esté en quelque notable lieu de ce petit cercle, les Monarchies ont commencé: Au contraire que lors que le Soleil estoit en sa tres-grande eccentricité, l'Empire Romain a commencé à decliner non autrement qu'un corps humain deseche petit à petit par vne fiebure erique, continuant sa ruine en sorte qu'il n'en est resté que le nom, à maniere que ceste eccentricité commençoit a manquer: & neantmoins les choses du Ciel estant ainsi disposées, que la corruption de l'un apporte generation & vie à l'autre, Au mesme temps tousiours en faueur de Rome, l'Empire des Papes s'augmenta si fort qu'il ny en eut iamais vn pareil au monde, comme celuy qui dominoit les volontez des mortels, qui est entierement contraire à la domination des Empereurs, & par consequent ayant son origine de causes contraires & esloignées du
dominer

dominer Armé: Et quand il paruint au quart & vn terme mediocre la loy de Mahomet à commencé aussi autre grand Empire, & creut avec grand viftesse pour la raison du mouuement aussi plus vite: Et parce que l'an mil six cens quarante qu'il y aura la minim' eccentricité, il comencera à decliner, & avec luy vne opposite & ieune, mais assez grande monarchie, & à s'esleuer plus qu'à son ancienne splendeur, vn tres ancien Empire fort nostre voisin, lequel neantmoins depuis l'an 1560. iusques au commencement de l'an 1598. sera fort affligé de guerres intestines. Mais quant aux commencements de ceste diminution desdictes monarchies, à mou aduis commenceront au temps des effects de ceste Eclipse, non seulement par les raisons que s'en ay dit, mais à cause que naturellement ces grandes & generales constellations comencent leurs effects trente ou quarante ans deuant. Et pour reuenir à l'Eclipse, elle menace les voyageurs, pelerins & marchands, & ceux particulièrement des prouinces qui sont subiectes à la Libbre, où y aura nombre de voleurs en grand danger de leurs personnes. La presence de l'espice de la Vierge & d'Arturus estoilles de la premiere dignité, signifient qu'il y aura beaucoup qui se laisseront tromper aux flateries & persuasions des hypocrites: Mais Venus qui commande au lieu de l'Eclipse, en la dixiesme, demonstre estant en signe martial, où elle a aussi domination, vn espeece de seditieux, qui feront mal leurs affaires s'ils ne se remettent entierement sous l'obeis-

sance de leur Prince souuerain, dont l'vnion sera
 feure & bien durable. O Princes qui estes suiets
 au premier quadrangle, ie vous conseille de re-
 chef reünissez vos vieux amis, ne vous fiez de
 nouveaux par trop, & embrassez l'occasion de
 recouurer par dons & offres raisonnables ce que
 vous appartient. *Quia fronte capillata post haec occasio
 calua.* Je n'aduiseray personne pour le regard de
 l'Horoscope, ny soleil, ni milieu du ciel, car el-
 le ne scauroit nuire à personne particuliere, que
 par consequent vient conseruée par les mesmes
 estoilles fixes qui y sont presées: & outre ce du
 quatriesme aspect de Iupiter qui est en l'Horos-
 cope & partise, & les estoilles mauuaises en sont
 esloignées, les effects cōmenceront comme ay
 dict le seziesme de Iuin & dureront iusques au
 mesme iour de l'an 1608. Quant à l'Eclipse de la
 Lune elle n'est pas grande, les effects cōmence-
 ront le 6. d'Aoust de l'an 1605. & dureront ius-
 ques au treziesme de Nouembre du mesme an,
 qui ne seront gueres differents de ceux du So-
 leil, sinon qu'estant en la septiesme & huities-
 me au signe du Moutō, denotte secretes menées
 qui se feront au preiudice d'vn certain ecclēsia-
 sticque grād, & la mort auparauant la fin des ef-
 fects des Eclipses. & ce sera en ces quartiers d'Est
 sur Est. Voilà Prince tres-generoux mon opiniō
 sur vne Eclipse qui fera plus de peur que de mal:
 peut estre qu'vn autre fois Dieu me fera la grace
 de paracheuer & renuoyer le reste, me recom-
 mandant à ton Illustre celsitude à laquelle me
 suis doné. Le 30. de Feburier de l'an 1557. en Au-
 guste.

Iusques icy est le iugement de ce grand personnage, lequel si le curieux lecteur desire voir, beaucoup en ont le double en Auguste, & ailleurs: mais touchant ce que il recite du dire de Copernicus, le lecteur le trouuera au derriere de son liure des reuolutiōs en vne Epistre escripte par vn escolier de Copernic^o à Escouere. pour mon esgard ie n'y adiousterien, sinon que pour te contenterie dis à vn Monarque magnanime & genereux Mars de nostre siecle, avec Virgile, & ce *quia iam tempus instat,*

Tu ne cede malis, sed contra audentior ito.

Et y adiousteray, bien que il ne soit necessaire, *Audendum est, fortes adiuuat ipse Deus.*

Pour le regard du surplus de l'an, nous n'auōs aucune Eclipse ceste année sur nostre horizon, & l'entrée du soleil au premier point de l'Equinoxe & Mouton de la neufiesme Sphere sera le 21. iour de Mars à 7. heures & 33. minutes du matin: le milieu du Ciel sera le 22. degré du Capricorne, & de l'Horoscope, le 15. degré du Tureau au climat & Meridian François, la belle Venus est maistresse de l'an, qui est clere & belle aupres de l'orizon orientale, en ses forces: mais toute brusque commence ne scay pourquoy, à regarder le pere pelerin en la xj. Saturne en sa maison & 9. du ciel regarde Venus, la dame de l'an de gaillard & benin œil, mars est en la 7. assez fasché d'estre delogé de chez soy pour peleriner: Mercure est fort ioyeux de se môstrer au môde en la maisō de sō maistre pour faire le bien cōtre les pauures mutins, & la belle Diane s'en va se regarder dans son ai-

mé miroir. Voylà bien de belles constellations. Que dirai-je plus de Leouice: sinon que le commencement de ces declinations des Empites m'ont fait fort resuer à la raison qui l'a esmeu de remarquer les deux, & en fin ay pensé, *Quod p̄ctorū oppositorū in caelo est eadē ratio*, & pour moy n'y en trouue autre, si nō qu'il eust veu quelques natiuités particulieres, ou des prouinces, ou d'hommes ou de villes. L'année sera aucunemēt venteuse, l'hypocrisie n'aura plus grand vogue si non en vn affaire qui se briguera cōtre vne vieille & belle Dame: *Dedecet enim à vulgo hac sciri clarius*. Mais escoutez Senecque & remarquez bien son dire,

*Vbi vultus ille & ficta Majestas viri
Atque habitus horrens prisca & antiqua appetens,
Morūque senium triste & aspectu graue?
O vix fallax abditos sensus geris,
Animis que pulcrā turbidū faciem induis,
Pudor impudentem celat, audacem quies
Pietas nefandum, vera fallaces probant
Stimulant que molles dura.*

Et par ce que j'ay accoustumé de parler aux beaux esprits plus ouuertement, ie diray avec Ouide,

*Carpite de plenis pendentibus vitibus vvas,
Præbeat Alcinoi poma benignus ager.*

Pour auoir de quoy remplir les moys, ie ne diray d'auantage de l'an, sinon que ie prie les esprits curieux de se souuenir de ce que j'auois aduertie de considerer, touchant mes iugements & Carmes.

OBSERVATION SVR

la presente année 1606. qui est selon
la commune supputation de la crea-
tion du monde 5576. & de la fin du
deluge, 3919.

Lettre Dominicale,	A
Nombre d'or,	11
Indiction Romaine,	4
Epaëte,	21
Circle Solaire,	19
Iour des Cendres	8. Feburier.
Pasques.	26. Mars.
Ascension	4. May.
Pentecoste,	14. May.
Feste Dieu.	25. May.
Aduent,	3. Decemb.

Quatre Temps.

Le { 15. Feburier.
17. de May.
20. de Septembre.
20. de Decembre.

Du mois de Ianuier.

Nouuelle lune seta le 8. iour, qui sera le Di-
manche à 7. heures & 1. quart du soir, la
lune estant au 17. degré du Capricorne, le 7. de-
gré du Lion occupoit l'Horoscope, & le milieu

du Ciel estoit tenu par le 19. degré du Mouton;
elle venoit de baisser Saturne, qui signifie à mon
aduis, que quelqu'un à ses despens, cognoistra la
folie, que ie n'ose descouvrir d'avantage qu'a-
vec Perſius en ces Carmes,

*An deceat pulmonem rumpere Ventis,
Stemmata quod fusco ramum millesime ducis
Censorem ve tuum vel quod trabeate salutas?
Ad populum phaleras ego te intus & in cute noui.*

Et pour le regard du surplus.

*Nox hominum genus & duros miserata labores,
Retulerat fessis optata silentia rebus. Val Flac.*

On a beau refuser, les mutins s'ont hors de saison,
& le vulgaire ne peut penetrer les cabinets des
Cieux, *Manet alta mente repostum.*

Et vraiment *Alium silere quod voles prius file.*
Une nouvelle espece de flaterie, ou hyppocrisie
voilera les yeux d'un tres-habile & grand persō-
nage, si ce mien aduertissement ne le faict resou-
dre à ne s'y amuser pas, & luy dire hardiement.

Decipies alios verbis vultuque benigno.

Premier quartier le Dimanche 15. iour envi-
ron minuit, la lune seant au 24. du Mouton, &
de là commence à regarder ce bon vieillard de
Saturne, & brauer aucunemēt Iuppiter, & Mars,
Que diray-ie icy Lecteur des nouvelles qui
viendront bien tost deuers ce pais d'Orient af-
sez esloigné de l'elevation du cœur de la France,
sinon ce que dict Ovide,

*Nec tellus eadem parit omnia, vitibus illa,
Conuenit, hac oleis, hic bene farra virent,*

Du reste parce que j'ay iuré de ne parler plus aux traistres puis qu'il ne sert de riē, ie diray à toy amy lecteur, qu'un esprit assez beau, un homme de quelque consequence tire à sa fin, s'il ne laisse là la trahison proiectée: i'en diray d'avantage à mes amis par cy par là.

Pleine Lune le mardy 24. à quatre heures & demy quart du matin, la lune estant au treziesme degré ou enuiron du Liō se separe du tiers aspect de Venus un peu de loing. *Quadam nobilissima Matrona à suis proprijs seruis decipietur, cuiusdam iuuenis nobilissimi blāditiōsis artibus & ingenio callidissimo.* Ce que se descouurira au commencement des effects de l'Eclipse, aussi ce pauvre traistre dont ie vous ay parlé sera descouvert & s'il n'est attrapé sera speciale fortune en sa naissance, mais ie ne le puis croire, car ceste constellation qui dure un an peu à peu différente pour estre prime de l'année le menace fort de la vie, & les auteurs fauteurs & compagnons du faict,

Exuitur feritas armisque potentius equum est,

Et cum ciue pudet conseruisse manus.

Dernier Quartier le mardy 31. iour à 3. heures du soir, un courrier de ce pays du bas Occident apportera des nouvelles, par lesquelles d'un quidam qui ne faict que broüiller & nuire les amateurs de paix & de repos en leur maison nous diront,

capit omnia tellus

Quod genuit, caelo regitur qui non habet Vnam.

Du mois de Feburier.

Nouvelle Lune le Mardy à 7. heures du matin & vn quart, la lune estant és enuirōs du 18. degré du Verseau, & au milieu du ciel estoit le 10. degré du Sagitaire, & en l'Horoscope le point de la conionction: la belle Diane se separoit aussi de la conioction de Iuppiter pour porter en collere sa lumiere à Mars, & celle des deux au Soleil; Voicy biē de la beauté, en fin vn espece d'humeurs mutins se reüniront avec leur Prince souuerain, duquel contre l'opinion d'vn chascun seront fort doucement recueillis, caressez, & aymez, & ensuiura vn accident beau & loüable, duquel les plus impies atheistes, hypocrites avec leur bouche profane, diront en compagnie de Seneque, & le dragon oriental pres de la cauerne,

*O Magna parens natura Deum.
 Tu que ignis fere rector olimpi
 Qui sparsa cito sidera mundo,
 Curfusque vagos rapis Astrorum
 Celerique polos cardine versas,
 Cur tibi tanta est cura perennes
 Agitare vias aeteris alti?
 At nunc cana frigora bruma
 Nudent siluas.
 Nunc Arbustis redeant vmbrae:
 Hanc aestiui colla leonis,
 Cererem magno seruore coquant
 Vires suas temperet annus.*

Premier quartier sera le Mardy 14. iour à huit heures du soir: ces mesmes hypocrites seront contraints de dire:

*Sedet interea conditor Altus:
Rerumque regens flectit habenas,
Rex & Dominus, fons & origo,
Lex & sapiens arbiter equi.*

Quelques folies de Carême prenant seront regretées par vn ieune personnage fort gentil: mais ayant vn peu l'ame traistresse, & en danger d'estre descouvert.

Pleine lune sera le Mercredy vingtdeuxiesme à huit heures, & vn quart de soir, la lune estant au troisieme degré de la Vierge pour s'en aller de là visiter d'vn bon œil le viellard, dont les années sont tant louées à tous propos, argumēt a mon aduis d'vn commencement d'vne société, vnion & restablissement d'amitié entre certains vieux amis grands & autres, dont Leouice parle assez, car bien que les effets de l'Eclipse ne commencent que trois mois apres, tousiours les effets anticipent aucunement: L'Horace est galant homme, oyons le parler,

*At Pater ut gnati, sic nos debemus amici,
Si quod sit vitium non fastidire, &c.
Hæc res & iungit vinculos, & seruat amicos.*

Du mois de Mars.

Dernier quartier sera le Mercredy premier du mois, à dix heu. vn quart du soir, la lune estant au dixiesme degré du Sagitaire, s'estant se-

paree de la conionction de Mars : continuation
des choses susdictes.

Nouvelle lune le Mercredy huictiesme à 8.
heures du soir enuiron le treziesme degré des
Poissons, en l'horoscope, estant le 6. degré de
Libra, & au milieu du ciel le 7. du Cancer.
Voicy vne lune qui augmentera le courage aux
hypocrites, *iactandi fundamenta nescio cuius magni
incepti, sed vix hoc fiet*, car il seroit bien simple,
qui s'y fiera, & qui ne iuge de là, *eos velle magis
alicuius res agere quam nostras, & fortasse suas*: tel est
leur esprit cest an, factieux & corrompu du pro-
pre naturel, *quia quamuis astra ad intestina bella non
sint disposita, suscitant tamē (sed frustra & eorū pericu-
lo) spiritus seditiosos, & non cupidos*, & de separer
les amis, & les amitez, mais ils sont & seront en
tres-grand danger.

Premier quartier le Ieudy seziiesme à quatre
heures du soir, la lune se trouuera enuiron le 25.
degré des Poissons en la fin de l'huictiesme mai-
son du ciel: c'est assez de repliquer avec Ouide.

Dulcia sub dulci melle venena latent.

Pleine lune le Vendredy vingt & quattiesme,
à neuf heures & deux tiers du matin: la lune sera
enuiron le second degré & trentè minutes de
Libra: s'en allant au sextil de Mars, & de là au
quart aspect de Saturne: Lecteur ie te prie lis vn
coup pour l'amour de moy le iugement general
de cest an, & ne me demande que ie te die autre
chose: mais que ie te die avec Iuuenal,
Cedamus patria, viuat Arturius isthic,
Et Catulus, maneant qui nigrum in candida vertunt.

Dernier quartier le Vendredy trente vniésme à quatre heures & deux tiers du matin, la lune sera lors bien près du dixiesme degré de Capricorne, voyfine à vne belle estoille septentrionale par la longueur du premier rang de la nature de Venus & de Mercure. Est il dict, qu'il me faille eneor parler à vn traistre fol & melchant, qui l'ayant eschappé belle veut encores se mettre au hazard de sa vie, qu'il perdraignominieusement.

*Ex illis fallentes, ex magna parte profani,
Sunt genus, in laqueos quos posuere cadant.*

Du mois d'Avril.

NOuuelle lune sera le Vendredy septiesme iour à neuf heures, & demie du matin: la lune sera au dixseptiesme degré du Belier, en l'horoscope montera le septiesme degré du Cácer, & au milieu du ciel le septiesme du Poisson: le grand chien sera en l'Orient, & la lune au parauant la conionction se separe du quart aspect de Saturne, & s'en va au tiers aspect de Mars. Vne broüilletie nouvelle occupera les esprits des hommes pour peu de iours.

Sic reus ille est de quo Victoria lucro

Esse potest, inopis vindice facta canent.

Les humeurs de la France ne sont pas de ceste sorte, mais aussi où le Soleil est plus ardent, les esprits sont plus enclins à la vengeance. Je ne diray dauantage, sinon que cecy ne touche en rien qui soit à la France.

Premier quartier le Samedi quinziésme à

vnze heures du matin, la lune estant au vingt-cinquiésme degré de Cancer: la lune s'estoit separee du quart aspect de Mercure: le veux dire à vn mien amy enuieux, lequel ceste constellation fera du tout miserable, vn vers d'Ouide,

Summa petit luor perflant altissima venti.

Pleine lune sera Samedi vingt-deuxiésme à 8. heures du soir, la lune estant bien pres du douziésme degré de la Vierge: elle s'estoit separee du tiers aspect de Iuppiter, & maintenant s'en va à l'opposition de Mercure, & de là au tiers aspect de Saturne. *Heu mihi, Nunc ego verum illud verbum esse experior, cœtus aliquid mali esse propter vicinum malum.*

C'est à vous broüillons broüillez, que ceste constellation s'adresse, qui n'aymez à donner conseil que de trahison.

Dernier quartier le Samedi vingt-neufiésme iour à vnze heures & vn quart du matin, la lune se separât du tiers aspect de Venus, lequel quartier se fera fort pres de l'huietiésme degré d'Aquarius:

*Liber captiuus cui ferè similis est
Semel fugiendi si data est occasio,
Satis est, nunquam post illum possis prendere.*

Du mois de May.

NOuuelle lune sera le Dimanche septiésme iour enuiron vne heure du matin, la lune estant bien pres du quinziésme degré & demy du Taureau, l'horoscope sera le vingt-cinquiés-

me degré de Capricorne, & l'Aigle estoillé du second rang de la nature de Mars & de Iupiter.

Au milieu du ciel sera le viugt-septiesme degré de Scorpion, & ne porte au Soleil que soy-mesme: Il y a bien à dire icy pour vn tres-grand personnage fort simple, fort ieune, & peu chalangant de ses affaires, mais de peur de trop dire ie me remets au dire de Properce,

Omnia vertuntur, certi vertuntur amores,

Vinceris aut Vincas, hac in amore rota est, &c.

Ainsi va le monde, si ieunesse scauoit on feroit merueille, mais où la feneantise domine en ieunesse, ne faut au moins que la temerité y loge aussi: c'est assez dict.

Premier quattier le quinziesme iour le Lundy à trois heures & demye du matin: la lune se trouuera au vingt & troiziesme degré du Lyon, où est le cœur du Lyon estoillé du premier rang de la nature de Mars & de Iuppiter. Remarque bien, Lecteur, ceste constellation, & dis avec moy, *Cum victus arma posuit, & victum decet deponere odia. Seneque.* Je dis assez, Leouice dauantage, pour monstrier que la saison est contraire à la rebellion.

Pleine lune sera le Lundy vingt-deuxiesme à quatre heures & demye du matin, la lune estant enuiron les dixhuitiesmes minutes du commencement de Saturne, pour attrapper comme elle fera le cœur du Scorpiõ estoillé du premier rang de la mesme nature de la surnommee: le te prie lecteur observe ces constellations reiterees cest an souuent, & dis avec moy à ce pauvre ieune

entrepreneut sans metode ny compas,

Ille robur, & as triplex,

Circa pectus erat qui fragilem truci,

Commisit pelago ratem

Primus, nec timuit precipitem Africum

Decertantem Aquilonibus,

Nec tristes hyades, nec rabiem Noti:

Tu voudrois bien entendre, mais aye vn peu de patience, tu entendras en ce temps là.

Dernier quartier le Dimanche 20. à 7. heures du soir, la lune estant au sixiesme degré des Poissons. Je te prie lecteur François, attendons le mois prochain de peur de desplaire à tes voyfins par trop.

Du mois de Iuin.

NOuuelle lune sera le Lundy cinquiesme à trois heures vn tiers du soir, la lune estant au quatorziesme degré des Gemeaux en l'horoscope: montera le vingt-quatriesme degré de Libra au milieu du ciel, sera le premier degré de Lyon, la lune est fort proche à l'espaule gauche de l'Espuiseur d'eauë, estoillé du premier rang du naturel de Mars. Je suis contraint de dire en despit de moy, sur le mesme subject avec Iuuenal,

Inunc et Ventis animam committe dolato

Confusus ligno, digitos à morte remotus

Quatuor, aut septem si sit latissimatæda.

Je vois en esprit, quelques nouuelles de ce costé de Midy fort contraires au contentement

des factieux, mais qu'ils se promettent, ils sont trop importuns, *Fallacia alia aliam trudit*, dict le Terence.

Premier quartier le Mardy treziesme à cinq heures & vn tiers du soir, la lune estant au vingt-vniefme degré de la Vierge auprès de la dernière estoille de la queue de l'Ourse du second rang de la nature de Mars. Je vous prie notez la conformité, & dictes hardiment qu'une belle entreprise d'un habile Capitaine aura son effect, hors de France, c'est sur place & en guerre, que la constellation menace, *nil amplius dicendum*, de peur de nuire aux vns & aux autres.

*Quisnam impacata consanguinitate legauit
Fortunam inuidiamque Deus? quis iussit iniquas
Æternum bellare Deas? nullamque notauit
Illa domum toruo quam non hac lumine figat
Protinus, et saua perturbet gaudia dextra?*

Pleine lune le Mardy vingtiesme vn peu auparavant midy, la lune estant au vingt-huictiesme degré du Sagitaire, & delà elle s'en va à la conjunction de Saturne. *per varios casus, per tot discrimina rerum*, c'est le monde ainsi fait. Je ne voulois plus parler de brouillerie, mais voicy d'autres matieres nouvelles qui m'y conuient, mais ie te renuoye à mon premier discours, *Serpens ex-eremum claudet nisi iam clausit diem*.

Dernier quartier le Mardy vingt-septiesme à cinq heures vn tiers de matin la lune estant au quatriesme degré du Belier. Vn pauvre traistre pour s'estonner se perdra, mais les traistres, les sedicieux, les factieux, les mutins, puis qu'il faut

vsus de redictes, tousiours sont mal arriuez cest
au par tout, croyez-le vne fois ie vous en prie,
& *experientia docebit.*

Du mois de Iuillet.

NOuuelle lune le cinquiesme iour de Mer-
credy, à 6. he. & 2. tiers de mat. la lune estât
en l'vnzième degré & demy de Cancer, & auoit
apporté au Soleil la lumiere de Saturne, en l'ho-
roscope montoit l'huictiesme degré du Lyon,
& au milieu du ciel estoit le dixiesme degré du
Belier. Il y a danger qu'en uiron ce temps, auquel
les effects des Eclipses ont commencé, ne se re-
nouellent maladies contagieuses, avec grand
affliction de cerueau. Pour le surplus des affai-
res il n'est pas possible empescher vn mauuais
instrumēt, de son maistre hypocrite, de n'essayer
tousiours *aliquid non inter factiosos asserre*: Mais sur
ce propos ie me remets au discours de mon Pre-
cepteur au commencement de ce petit discours,
& diray à vn quidam qui seul m'entendra.

Nec tibi regnandi veniat tam dira cupido.

*Recens Francorum experientia sit exemplum cunctis
nimia ambitione praeditis & affectis, magis etenim à
factiosis derelictus solus omnes eorum debellauit furores:*
& disons avec Seneque aux entrepreneurs.

Violenta nemo imperia continuit diu.

Ie prieray en ce lieu l'amy lecteur & à qui tou-
che, de m'excuser: car comme i'ay dict & ie dis,
suyuant les constellations qui m'y conuient, ces
vingtans de la grāde conionction ne sont nulle-

ment

ment favorables aux surprinses, & aux desirs ambitieux cōtre raison: & ceste constellation y est si claire, que l'on m'eust tenu pour ignorant de le faire, outre le discours de Cypriā: car si les astres ne monstroient, que les menees continuent encores, & les trahisons, & le dāger plus grand que jamais pour les traistres & entrepreneurs, ie ne dirois mot: mais affin que tu voyes que j'ay raison, ie marque bien ces vers qui regardent vn certain personnage ieune d'age & imbecille d'esprit,

*Quid Crassos, quid Pompeios evertit? & illum
Ad sua qui domitos deduxit flagra Quirites?
Summus nempe locus nulla non arte petitus
Magnaque numinibus vota exaudita malignis.*

Premier quartier le leudy treziesme à quatre heures vn peu dauantage de matin, la lune se trouuant au vingtiesme degré de Libra, ayant laisē l'espie de la Vierge, & l'Arcturus despuis peu de temps: Quelques bonnes nouvelles resjouyront l'esprit & l'ame du peuple.

Pleine lune sera le Mercredy dixneufiesme à sept heu. du soir, la lune estant au vingt & sixiesme degré du Capricorne, se retirant du sextil de Mars, s'en allant pleine de la lumiere de l'Aigle, pour le tiers aspect de Venus: Que diray-je si non ce qu'vn magnanime acte d'vn Roy ou tres-grand Prince, te conuiera de dire, avec Seneque?

*Hoc reges habent
Magnificum & ingens nulla quod rapiet dies,
Prodesse miseris supplices fido laere
Protegere.*

Dernier quartier sera le Mercredy vingt-troiesme à six heures & deux tiers du soir, la lune se trouuant au second degré du Taureau, & separant du sextil de Saturne.

*Reus est qui inflat agit, & cuius animus
Culpa vacat.*

Tu l'entendras lors Le Cteur:

Du mois d' Aoust.

Nouvelle lune le leudy 3. à 9. heures & 2. tiers du soir, la lune estant bien pres de xi. degré du Leon, en l'Horoscope montrera les fezes degrez du Belier: & au milieu du Ciel sera le 7. degré de Capricorne, avec la Lune, est avec l'espaule de la grand Ourse du 2. rang, du naturel de Mars, au milieu du Ciel, est la plus claire estoille de la Lune, du 1. rang, du naturel de Venus & de Mercure, & par consequent en l'Horoscope sera la teste d'Andromede du 2. rang du naturel de Venus. Ayant, comme l'on dict, r'apporté tout au bureau, ie ne trouue que bien en ce mois, tous desseins du contraire estant de nul effect: & amy Lecteur, ie n'appelle mal l'execution de la iustice qui pourroit tomber sur le chef de quelque traistre, qui comme i'ay dict au commencement, ne fait que tournoyer à l'entour d'un gibet, d'un eschaffaut, & d'une rouë, & l'on luy pourra dire avec Senecque.

Coacta dices sponte quod fari annuis.

Et à un pauvre affligé & mal-mené en ses afflictions, nous dirons,

Quantus est igitur meritis in debita nostris,

Magna tamen spes est in bonitate Dei.

Et ne se doibt esbair de ses passions, s'il a veu Senecque où il dict,

Turbine magno spes sollicita

Urbibus erant trepidique metus.

Je crain outre ce quelque nouveauté du costé de Midy; c'est l'Eclipse, qui non empeschée d'autres constellations fera simple apparence d'effets par ceste concordance d'humeurs que l'on voit,

Rusticus agricolam, miles fera bella gerentem,

Rectorem dubia nauis puppis amat.

Mais pour tout cela le general discours aura lieu plus que ce particulier tousiours, & vers Rome *aliquod expectatum à multis euenire.*

Premier quartier le Vendredy 11. vn quart d'heure apres midy, la Lune estant au 18. degré du Scorpion, s'en allane au quart aspect de Iupiter; les maladies continuéront, & en mourra beaucoup, si prôprement on n'vse de purgatiôs & choses qui fortifient le cœur & la teste où sera la rigueur du mal, avec frenesies non pareilles; les sçauans Medecins dont l'Europe est fort fertile, trouueront avec assistance de la grace de Dieu, regime pour obuier à ces maux menacez par les Eclipses, qui parleront fort de contagion.

Pleine lune le Vendredy 18. iour à deux heures 3. quarts du matin la Lune est au 25. degré du Verseau, & delà s'en va à la conionction de Iupiter. Saturne & Mercure se seront regardez

de tiers aspect vn peu. Si faut il que ie die, que vers le pais d'Orient suruiendra vn accident notable (ie n'entends pas des extremitez de l'Orient Chrestien, mais par deçà vn peu) lequel accident n'apportera pas nouveauté de consequence, alors, mais sera cause de beaucoup de menées qui se ferôt vers de delà, & qui mettrôt long temps à estre descouuertes, dont l'origine & source est desjà toute née vers le Suroüest: & en France ils diront,

Illud amicitia sanctum & inuolabile nomen,

Nunc tibi pro vili sub pedibusque iacet.

Ainsi va le monde.

Dernier quartier le Vendredy 25. à 10 heures vn tiers du matin, la Lune estant au premier degré des Gemeaux, s'estant separée du quart aspect de Iuppiter, & le Soleil auoit regardé d'vn tiers aspect Saturne :

Nescio quid ab hypocritis etiam inceptum, sed frustra.

Du mois de Septembre.

Nouuelle Lune le second iour à Midy, en l'Orient montera le degré 22. du Scorpion; & au milieu du ciel sera le neuf degré de la Vierge, & la Lune & le Soleil fort hardis auec la moyenne de la grand' Ourse: au parauant la conionction la Lune se separoit du tiers aspect de Saturne, & apres la conionction s'en va au quart aspect de Mars. Nous regarderons en pitié vn iouenceau trop temeraire & trop hardy & nous fera souuenir de la sentence de Tibulle,

bien qu'un peu esloigné de ce subiect pour ne trop dire,

Lucra perituros freta per quæ patentia Ventis

Ducunt in stabiles sidera certa rates.

Cecy de Senecque est vn peu plus pertinent.

Piora iuuenes facile præcepta audiunt.

Certains affaires aussi fascheront fort l'ame d'un enuieux broüillon, mais disons luy en sa barbe,

Inuidia Siculi non inuenere Tiranni

Maius tormentum.

S'il estoit possible attirer les influences du ciel pour seruir à nos folies, comme quelques affronteurs ont dict estre possible, ie vous assure que l'on ruinetoit bien le decret de la grande conionction; mais ce sont pures folies de s'opiniastres à vne meschanceté, non possible en ce temps, & tres-dangereuse en tout temps.

Premier quartier le Samedy 9. à 6. heures & demie du soir, la lune estant au 16. degré du Sagitaire: Vne grand' entreprise de larcin menée de longuemain, sera descouuerte, & les entrepreneurs diront le dernier adieu à leurs amis.

Pleine lune le Samedy 16. demy heure apres midy, la Lune estant au 23. degré des Poissons: delà elle s'en va au quart aspect de Mars, & de Saturne. Vne extreme crainte apportera en ce pays de Midy fort grande perturbation d'esprits.

*Tum ve. ò anticipi mentem formidine pressus
Obsupuit, steterunt que coma, & vox faucibus hæsit.*

Dernier quartier le 24. iour, & le Dimanche à 4. heures du matin, la lune estant sur le dernier degré de la Vierge s'en allât de là à l'opposition de Saturne, & de Mars. Voicy bien vne autre besogne que ie specifieray le mieux que ie pourray en l'autre mois, puis qu'il est si pres.

Non bene conducti vendunt pericula testes.

Du mois d'Octobre.

NOuuelle lune sera le Lundy second iour à vne heure & demie de matin: la Lune estât au huietieme degré de Libra, en l'Horoscope montera le seiziesme degré de Leon, au milieu du ciel sera le second degré du Belier, la Lune se separoit, en la conionction du quart aspect de Saturne & Mars,

*Quidam sibi ipsi volens auxilium præbere, tandem
donnera occasion de dire à soy-mesme:*

Extimui sensi que metu rignisse capillos,

Et tacito mutuos voluunt in pectore questus,

Vn autre surprins *in flagranti delicto* avec son hardiesse ne se sauera pas aussi.

Premier quartier sera le Lundy 9. vn peu deuant vne heure de matin, la Lune se trouuera au 15. degré de Sagitaire, s'estant separée de la conionction de Mars & tiers aspect de Venus: Vn autre, bien que fort affligé s'estonnera de son propre malheur s'estant confié sur le dict de Senecque,

Solent extrema securus facere mala.

Pleine lune sera le Lundy 16. à vne heure du

matin : bien peu auparauāt la Lune se retrouuāt au 22. degré du Belier, s'estant retirée de l'opposition de Mercure, ayant quiēté aussi auparauant le quart aspect de Mars : le voyage entrepris par vn brouillon n'aura aucun effect, *rationibus praedictis, & quia nimis publicē suscepērat.*

Quis minor est autem quam tacuisse labor.

Dernier quartier le Lundy 23. à 11. heures & vn quart de soir la lune estāt au 28. degré de Cancer, se retirant du sextil de Venus. Il n'y eut iamais plus d'oreilles attentifues qu'il y en aura à ce coup pour ouir les nouvelles de ce pais de Surest.

Hic se precipitem tecto dedit, ille flagellis

Ad mortem casus fugiens, hic decidit acrem

Prædonum in turbas, dedit hic pro corpore nummos, &c.

Nouvelle lune le Mardy 31. à vn heure & trois quarts apres midy, la lune estant au septiesme degré du Scorpion, en l'Orient montoit le 5. degré d'Aquarius ; au milieu du Ciel estoit le 2. de Sagitaire, la Lune estoit avec la belle & claire estoille de la couronne : mais ie te prie d'autant que nous sommes pres de l'autre mois, voyons le premier quartier.

Du mois de Nouembre.

Premier quartier le mardy 7. à 6. heures & 3. quarts de matin, la Lune estāt au 14. degré du Verseau : i'ay promis ioindre les configurations de la nouvelle Lune, & en vn mot diray

32
que la collere a fait trop de tort à vne belle affaire à ceux du Pais bas, si plains de flegme ordinairement.

Sed quid præscribere penas

Attinet? argentes parturit ira minas.

Vne femme aussi que l'esperance nourrit, se ruina par sa colere: Escoutez Perlius.

Hunc face supposita seruescit sanguis, & ira

Scintillant oculi, dicis que facit que, quod ipse

Non satis est hominis, non sanus viret, O restes

Je n'auois point parlé de femmes: Car tous scauent qui est la Dame, & qui la matrone de mon precepteur nommée; mais ceste constellation m'y a tiré par les cheueux.

Pleine Lune le mardy quatorziesme à trois heures & demie du soir, la lune s'en allant de là au quart aspect de Iupiter, & estant en l'opposition au 21. degré du Taureau:

Que de beaux desseins, mais ie n'en diray d'auantage sinon que ie prie le Lecteur de lire le general discours sur la crainte sans mal de l'Eclipse:

Iam mala finissem letho, sed credula vitam

Spes fouet, & melius eras fore semper ait.

Voilà tousiours le monde de mesme, fol à trop croire.

Dernier quartier le Mercredy 22. à 7. heures du soir, la Lune estant vers le dernier degré du Leon.

Je diray à vn qui perdra en ce temps là, ce que il n'eust pensé, *in minoribus*

Quem non corrumpit pubes effrena nouaque

Libertas properata togas?

Nouuelle

Nouvelle lune le leudy trétiesme à vn heure & demie de matin, la Lune estant au 7. degré du Sagitaire, en l'Horoscope montera le 28. degré de la Vierge, au milieu du ciel sera le 28. degré des Gemeaux. Par ce que cecy va au subseqvent mois, passons sans dire mot iusques-là.

Du mois de Decembre.

PRemier quartier sera le Mercredy à 4. heures vn peu moins, du soir, la Lune sera au 3. degré des Poissons. Lecteur mon Amy, tu m'excuseras, si par tout mō discours, ie ne me suis resolu à particulariser comme autres fois: car Cyprian y ayant mis la main, ie ne pouuois comme son escolier y adiouster rien de plus que ce que i'ay fait: mesme ie ne te diray grand cas de ce mois, quel'on employera toutes affaires d'vn quidam que tu verras: car ce monde a le periode secret de toutes choses, *et omnia tandem temporis spatio consumuntur.* Ceste cōstellation prepare le prochain au tout autre que le monde n'a pensé, & principalement les mutins.

Pleine Lune le leudy 14. à 9. heures vn tiers du matin, la lune estā au 23. degré des Gemeaux, & dela s'en allant au tiers aspect de Iupiter & de Mars, comme ie r'ay dict, on employe tout ce mois quasi en vn seul affaire, dont la fin sera de peu de cas.

Dernier quartier le 22. iour de Vendredy à vn heure & demie du soir, la lune sera au premier degré de Libra, & de là s'en va au 4. aspect du

bon Vieillard. Vne certaine extraordinaire, & non pensée nouvelle, donnera occasion de causer à tout le monde, & en dire la sienne.

Nouvelle lune le Vendredy 29. vn peu auparavant midy, les effects de ceste Lune passent en l'an qui vient, ce seroit chose superflue d'en parler icy. A Dieu Lecteur.

De Frankfort le premier Octobre 1605.

JEAN QVERBERVS.

